

## BASES DA XXXV COPA DEPUTACIÓN DE FÚTBOL (ANO 2018) MEMORIAL "JORGE TATO REY"

Como xa vén sendo habitual nos últimos anos, a Deputación de Lugo a través da Área de Innovación, Participación Cidadá, Mocidade e Deporte, en estreita colaboración coa Federación Galega de Fútbol, volve apoiar o torneo por excelencia neste eido na provincia de Lugo, a Copa Deputación.

Despois de tantas edicións e da experiencia recollida, este ano séguese traballando cun dobre obxectivo a petición dos clubs. Por un lado deseñar un torneo que lle dea cobertura a todos os estamentos do fútbol a nivel provincial, intentando cubrir todas as categorías e apostando decididamente pola promoción do fútbol base. E por outro, recoñecer o inmenso traballo e labor realizado por parte de distintas persoas, que durante anos fixeron posible o asentamento e crecemento desta disciplina deportiva por toda a provincia de Lugo. Con ese obxectivo, a Deputación de Lugo e a Federación Galega de Fútbol consideran oportuno desenvolver ese recoñecemento a través deste evento, como agradecemento á súa dedicación a este deporte.

### **NORMAS XERAIS DA XXXV COPA DEPUTACIÓN DE FÚTBOL**

**PRIMEIRA:** As categorías e grupos de competición da Copa Deputación de Fútbol son os que se definen a continuación:

PREFERENTE AUTONÓMICA MASCULINA PRIMEIRA AUTONÓMICA MASCULINA
SEGUNDA AUTONÓMICA MASCULINA TERCEIRA AUTONÓMICA MASCULINA
LIGA 2ª DIVISIÓN FEMININA LIGA GALEGA 1ª DIVISIÓN FEMININA LIGA GALEGA 2ª DIVISIÓN FEMININA GRUPO 1º
PRE-BENXAMÍN F-8
BENXAMÍN F-8
ALEVÍN F-8
INFANTIL
CADETE
XUVENIL
FÚTBOL VETERANO

**SEGUNDA:** Todos os equipos deberán ter cuberto o **ANEXO I (ficha de participación)** de **forma obrigatoria**. Do mesmo xeito, acompañando obrigatoriedade o ANEXO I, cumprirá achegar unha **certificación de conta bancaria** co nome do club ou entidade participante na competición. Na certificación deba figurar o **nome do representante**, ou representantes, do club ou entidade, como responsables autorizados da entidade participante. O certificado debe ser actual, é dicir, do ano 2018. Tamén deberán presentar unha copia do **NIF do club** ou entidade.

**TERCEIRA:** A Federación Galega de Fútbol e a Deputación determinan o sistema de competición, que obrigatoriedade deberán trasladar aos clubs participantes.



**CUARTA:** Establécese a resolución no caso de empate ao final do encontro mediante o regulamentario lanzamento de penaltis, incluída a final.

**QUINTA:** A hora de comezo de cada encontro fixarase de acordo aos criterios que no seu caso establezan a Federación e os equipos participantes. Non entanto, ambos os clubs de común acordo poderán variala, debendo comunicarllo á Federación Galega de Fútbol ou á súa Delegación en Lugo dentro do prazo establecido regulamentariamente para tal fin.

**SEXTA:** Ao ser esta unha competición oficial, todos/as os/as xogadores/as que interveñan estarán regulamentariamente inscritos nos seus respectivos clubs e terán aboada a cota correspondente da Mutuabilidade de Futbolistas Españois.

**SÉTIMA:** Tanto no número de xogadores/as convocados, como no número de cambios a realizar en cada partido, estarase ao establecido pola respectiva federación en cada unha das categorías.

**OITAVA:** Os árbitros désígnalos o Comité Galego de Árbitros, procurando que sexan os da máxima categoría. O pagamento do recibo correspondente corre a cargo do equipo local, agás na final, no que cada club participante asumirá o 50% do seu custo.

**NOVENA:** Nesta competición NON se poderá cobrar entrada a ningunha persoa, sendo xa que logo, o acceso aos partidos libre para toda aquela persoa que desexe acudir a eles.

**DÉCIMA:** Das incidencias no desenvolvemento desta Competición entende o Comité de Competición de Federación Galega de Fútbol. Ante casos de indisciplina graves a Deputación de Lugo resérvase o dereito de adoptar medidas con carácter inmediato, agás aquelas de carácter deportivo que serán competencia da Federación.

**UNDÉCIMA:** Establécese que ao final do encontro o campión e subcampión da XXXV Copa Excm. Deputación Provincial de Lugo das categorías sinaladas no apartado primeiro, reciban os trofeos correspondentes doados pola Deputación Provincial.

**DUODÉCIMA:** As distintas finais por categorías disputaranse na data e a hora que no seu caso se definan

**DÉCIMO TERCEIRA:** Estas normas publicaranse na web da Deputación de Lugo.

**DÉCIMO CUARTA:** A Federación Galega de Fútbol deberá remitir á Deputación de Lugo, unha vez finalizado o torneo, declaración responsable na que se reflecta a relación de participantes, cos resultados en cada unha das categorías, con indicación de local e visitante e anexo coa asignación provisional de premios. Así mesmo, deberá acompañar a documentación reflectida nestas normas e relativa aos documentos precisos para a participación de todos e cada un dos clubs, e indicados no punto 2 das presentes normas.

**NORMAS ESPECÍFICAS DA XXXV COPA DEPUTACIÓN DE FÚTBOL**  
**ORZAMENTO PREVISTO TOTAL: 100.000,00 EUROS**

	Premio por participación. Por cada eliminatoria xogada como visitante (agás a final)	Premio por participación. Por cada eliminatoria xogada como local (agás a final)	Premios Económicos Finalistas *
PREFERENTE AUTONÓMICA MASCULINA PRIMEIRA AUTONÓMICA MASCULINA	450 €	600 €	1º Clasificado: 5.000 € 2º Clasificado: 4.000 €
SEGUNDA AUTONÓMICA MASCULINA TERCEIRA AUTONÓMICA MASCULINA	385 €	450 €	1º Clasificado: 4.000 € 2º Clasificado: 3.000 €
LIGA 2ª DIVISIÓN FEMENINA LIGA GALEGA 1ª DIVISIÓN FEMININA LIGA GALEGA 2ª DIVISIÓN FEMININA	Non hai premio por participación	Non hai premio por participación	1º Clasificado: 3.750 € 2º Clasificado: 2.000 € 3º Clasificado: 500 € 4º Clasificado: 250 €
INFANTIL	Non hai premio por participación	30 €	Non hai premio económico finalistas
CADETE	Non hai premio por participación	40 €	Non hai premio económico finalistas
XUVENIL	Non hai premio por participación	50 €	Non hai premio económico finalistas
FÚTBOL VETERANO	Non hai premio por participación	50 €	Non hai premio económico finalistas

	Premio por participación. Por cada eliminatoria xogada como visitante (agás a final)	Premio por participación. Por cada eliminatoria xogada como local (agás a final)	Premios Económicos Finalistas *
PRE-BENXAMÍN F-8	15 €	15 €	Non hai premio económico finalistas
BENXAMÍN F-8	15 €	15 €	Non hai premio económico finalistas
ALEVÍN F-8	15 €	15 €	Non hai premio económico finalistas

\*Para facer máis dinámica a Copa Deputación, o sistema de competición será a partido único ata a final incluída.

\*A cada un dos finalistas corresponderalle un trofeo e 18 medallas que serán doados pola Deputación de Lugo.



\*O lugar de celebración das finais poderá alterarse en función das necesidades



DEPUTACIÓN DE LUGO



REAL FEDERACIÓN  
GALEGA DE FÚTBOL  
Delegación de Lugo